

SKUPŠTINA KANTONA SARAJEVO

Vlada Kantona Sarajevo

Ministarstvo komunalne privrede, infrastrukture, prostornog uređenja, građenja i zaštite okoliša

BAGS – Energotehnika d.d Vogošća

PREDMET: Hitna inicijativa - Tematska sjednica na temu problematike isporuke toplotne energije u Vogošći

Upućujemo hitnu inicijativu **Skupštini Kantona Sarajevo, Vladi Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo** da, u najkraćem mogućem roku, poduzmu sve neophodne mjere i radnje u cilju organizovanja **Tematske sjednice** posvećene problematici isporuke toplotne energije na području Općine Vogošća.

Očekujemo da navedene institucije, u okviru svojih nadležnosti, detaljno razmotre aktuelne probleme u funkcionisanju sistema daljinskog grijanja koje obavlja privredno društvo **BAGS – Energotehnika d.d. Vogošća**, te da predlože i usvoje konkretne mjere u cilju obezbjeđenja stabilne, sigurne i kontinuirane isporuke toplotne energije građanima Vogošće.

Obrazloženje:

Građani Općine Vogošća se već drugu godinu zaredom suočavaju sa činjenicom da im nije osigurano njihovo zakonsko pravo na redovnu isporuku toplotne energije. Istovremeno, od njih se zahtijeva plaćanje usluge koja nije isporučena ili je isporučena u neadekvatnom obimu i kvaliteti, što je potpuno neprihvatljivo.

Osnovni problem leži u neredovnoj i nedovoljnoj isporuci toplotne energije od strane preduzeća "BAGS-Energotehnika", najčešće uzrokovanoj nedostatkom energenta. To je direktna posljedica lošeg poslovanja i/ili neriješenih finansijskih odnosa sa nadležnim institucijama. Iako je BAGS-ENERGOTEHNIKA d.d. Vogošća dioničko društvo, **Vlada Kantona Sarajevo je glavni osnivač i većinski vlasnik sa 67% dionica preduzeća**. Ova dominantna vlasnička struktura Vladi daje kontrolnu ulogu u upravljanju i direktno implicira odgovornost Kantona Sarajevo za funkcionalnost i stabilnost sistema grijanja u Vogošći.

Podsjećamo da je već održana 1. Tematska sjednica Općinskog vijeća Vogošća na temu problematike vezane za isporuku toplotne energije krajnjim korisnicima i neblagovremenog početka grejne sezone 2025/2026. Usvojeni zaključci Općinskog vijeća Vogošća su sastavni dio ove inicijative. Zahtijevamo da nas o poduzetim aktivnostima i rezultatima ove inicijative pismeno obavijestite u najkraćem mogućem roku.

U Sarajevu 28.10. 2025 godine
Klub Demokratske fronte